

Eine freidige ver-
manung / zu klarem vnd öffentli-
chem bekennnis Ihesu Christi/
wider die Adiaphoristische / Da-
uidianische / vnd Epicurische Flug-
heit / des heuchelns vnd meuch-
elns / sehr nützlich zu lesen.

Gestelt durch Cimilium einen Italiener.

Verdeudscht außs dem welschen.

Matth. 1.

Wer mich bekennet für den Menschen/
den wil ich bekennen für meinem himlischen
Vater. Wer mich aber verleugnet für den
Menschen / den wil ich auch wider verleugnen
für meinem himlischen Vater.

1 5 5 0.

Matthias Fla. Illyr. wünschel.
dem Christlichen Leser beständigkeit/in dem
erkenntnis vnnnd bekentnis der waren
Religion Christi.

Diese vermanung / so von einem Itali-
ner geschrieben / hab ich auch desshal-
ben lassen außsgehen / das vnser Deut-
schen doch durch frembder Leut exempel vnd
schrift / zur erhaltung vnnnd bekentnis warer
Religion bewegt werden mochten.

Aber was ist das wir von ihn ein bekent-
nis erwarten / dieweil sie sich nicht allein nicht
schemen ihr bekentnis außzulassen / sondern
auch heucheln vnnnd meucheln / Ja noch wol
dazu außs greulichste / Christum inn seinen
glidern / durch mancherley weise verfolgen.

Wie itzunder vnser gewaltigē Christum/
auff dem negsten vnnnd itzt gehaltenen Reichs-
tag zu Augspurg bekandt haben / ist allzu
klar am tag. Denn sie haben vor dreyen jaren
vnd itzundt auch inn das Interim vnnnd Tri-
dentisch Concilium (welches sie itzund zuuol
bringen begere) öffentlich verwilliget. Vnd
weichen also wissentlich aus gutem willen/
vom erkanten Christo / zu dem erkantten vnd
verdammte Antichrist / Nicht allein sie selbs/
welches noch zu dulden were / Sondern vn-
derstehen sich auch leider / mit gantzem fleis/
ihre vnterthanen / vnnnd das arme verlassene
Christliche heufflein / in des hellischen Phara-
onis eyserne offen / vnd Aegyptische finsternis
zu grewel / mit sich zu reissen.

D Hertz

O Herr Ihesu Christe / du Sohn des lebendigen Gottes / welchen der ewige vnd allmechtige Vater / widder der Könige vnd Fürsten toben vnnnd wüden / gesalbet hat / vber seinen heiligen berg Syon / das ist / vber die Kirche / Vnd dem er gegeben hat ein ertheil / vnnnd besitzung bis zum ende der erden / erhalt du dir etliche sieben tausent außserwelte / vnnnd beschütze sie gnediglich / vnnnd zerbrich mit dem Eysernen scepter wie ein thonern gefes / die Gottlosen Achaber vnd Baaliten Amen.

Civilius ein knecht
Gottes / vnd vnser Herr Ihesu
Christi / wünschet den außserwelten Gottes/
seine Brüdern / so in gantz Italia zerstreuet
sein / gnad / fried / vñ sterckung des Geists /
von Gott dem Vater / vnnnd Christo
vnserm Herrn / Amen.

Ist yhemals die heilige
Kirchen verfolgt worden / von dem
grausamen feind / Ist yhemals das
Creutz blutig gewesen / von dem
blut der Christen / Ist yhemals der
Glaub der außserwelten gereittert
worden von dem Teuffel / Ist yhe-
mals noth gewesen des inniglichen gebetes /
A 11 gegen

Legen Gott/zu stercken die erschrocken hertzen
der glaubigen/So ist es jtz zeit.

Wir sehen das volck Gottes / jtz lange
zeit eingefurt in Babilonia/vntergedrückt/ver-
achtet / vnd verfolget von seinen feinden/mit
grosser vnehr des heiligen Euangelij/ vnd das
vns am aller meisten drückt/ist /das man jtz
das Schwert wetzet/macht das eyssen glüent/
vnd die verfolgung wird ihe lenger ihe greul-
cher. Wenig seind zu vnser zeit (vnnd sonder-
lich inn Italia) dem Daniel gleich/ die ehe be-
stendig bleiben inn aller marter/ denn die Knie
biegen/vor dem abgott des Gottlosen Tyran-
nen vnd Antichrist.

So weis ich für mich kein besser weise/
bestendig zu bleiben / in dieser widderwertig-
keit /denn sich zu der barmhertzigkeit Gottes
Feren/ mit einem demütigen vnnd erschrocke-
nem hertzen/vnd vnser Sünde bekennen / vnd
mit hertzlichem gebet hülff begeren von dem
HErrn/ Auff das sich die Kirchen tröste mit
dem Creutze/ vnd durch den Todt frölich ein-
gehe zum leben. Mich düncket ich sehe den
Weitzen des HErrn auff der Wäl / vnd man
werd bald brot machen/ Da ist von nöten/das
wir mit gantzem hertzen fülen / die verach-
tung der Welt/vnnd verleugung vnser selbs/
vnnd das vns dis leben vnwert sey / wenn wir
Christum Ihesum frey wollen bekennen. Wer
sein weib/seine Kinder/eigē nutz/weltliche ehr/
so lieb hat / das er seines lebens fürchte / Der
habe mit Christo nichts zu schaffen/ da mit er
sein

sein vrtail nicht grösser mache / Es wehr besser
du hettest die warheit noch nye erkant / denn
das du sie kenneest / vnd machest den hunt wi-
der freffen / das er gespien hat.

Glaubt mir es ist nicht mehr zeit zu dis-
putiren / es ist nicht mehr zeit zu schreiben von
dem glauben / es sol nun hie ein itzlicher selbst
Doctor sein. Itzt ist zeit zu beweisen mit der
that / vnnd **CH**risto nach zu volgen mit dem
Creutz auff der achsel / vnd sich zubereiten vn-
erschrocken zu der marter zu gehen.

Die Welt ist vns feind / vnnd wir können
nicht friede mit ihr haben / denn sie alle zeit
krieket mit vnserm haubt. Darumb laßt vns
auch warten / alle stunde mit freuden inn den
scharmützel zu tredten / die beute zu erlangen /
vnd vnsern feind vmb zu bringen / mit seinem
eigen Schwert. Vnsere waffen seind Geistlich
vnnd nicht fleischlich / vnser beute seind Göt-
lich vnd nicht Menschlich / Das ist der rhum
vnd der trost der heiligen.

Denn wenn der Antichrist meint er hab
vns yberkommen / als denn triumphirn wir
viel herlicher denn vorhin. Ein Christ findet
ruhe am Creutz / in dem elent wartet er des be-
geren Hierusalems / vnd in dem Todt findet
er das leben / Also das die grausamkeit des
feindes vns nicht kan schrecken / oder machen
das wir zu rücke gehen.

Wollen wir die Leut mehr fürchten denn
Gott? Die Tyrannen tödten allein den leib /
vnd haben nicht gewalt vber die Seel / laßt vns

Gottsfürchten / der die Seel kan peinigen inn
dem ewigen feuwer. Wer die handt an den
pflug des Evangelij geleget hat / der sehe nicht
hinder sich / denn er verzeucht den schrit / vnd
macht die furch vngleich / vnd dienet nicht zu
dem reich G D L Es. Wir sehen aber hinder
sich / wenn die liebe vnser Weiber vnd Kinder /
oder des eigen nutzes / machen / das wir mit
der zungen verleugnen / odder stellen vns / als
wissen wir nicht das / das wir mit dem her-
tzen glauben. Wir können nicht zweien HErrn
dienen / wir können nicht Christo dienen vnd
vnserm nutz.

Diese gedanken sind zweyerley / vnd die-
se anschlege sind mancherley / vnd die ding die
wir fürhaben / sind wider einander / So mus
man ja vnter den zweien eins thun / entweder
der Welt dienen vnd Christum verleugnen /
oder die Welt verachten / vnd dem Euangelio
dienen. Wer sein leben findet durch verleug-
nung des Herrn / der wirdts verlieren / vnd wer
sein leben verleuret / durch die bekenntnis Chri-
sti / der wird es finden im ewigen leben. Was
hülffs den Menschen / wenn er die gantze Welt
gewänne / vnd seine Seele würde da nach ge-
peinigt in ewigkeit? Wo mit können wir vnse-
re Seel erretten?

Lieben Brüder thut die augen auff / vnd
den verstand / vnd betrachtet die verenderung
der alten kirchen / sehet wie sich der Gottlos
Drache bemühet / auff das alle welt das thier
anbete. Betrachtet das itzt jderman vor der
grausamen

grausamen Schlangen erschrocken ist / vnnd
nider kniet vor dem Thier / vnnd spricht / wer
kan sich diesem Thier verg'eichen / vnnd wer
kan mit ihm streiten? So dürfen wir keiner
andern waffen in diesem streit / denn glauben /
vnd gedult der heiligen.

Derhalben ermane ich euch lieben Brü-
der / zum emsigen gebete / auff das der HERR
vns Italienern solche stercke des Geistes ge-
be / das wir nicht trincken von dem wein der
Babylonischen huren / sondern ohn forcht vn-
ser eigen Blut vergiessen / durch die bekentnis
Jhesu Christi. Dis ist der grosse schmerz /
der vnser hertzen durch dringet / wenn wir ses-
hen / das vnser Italiener so wenig nach Got-
tes ehr fragen. Wer het doch gemeint / das sie
von ein wenig zeitlichs gutes wegen / solten
Christo den rucken gewent haben?

Wie viel sind ihr geladen zu dem Abent-
mal / die es abschlagē? Idermā decket sein ver-
leugung zu / vnd meinet es sey ihm zugelassen
abgötterey zu treiben / vnnd sich der Religion
nicht anzunemen. Der hat einen acker gekau-
fft / vnnd wil ihn nicht verlieren vmb Christus
willen / Der ander hat fünff bar Ochsen kau-
fft / vnd wil viel lieber zu acker gehen / auff sei-
ne narung achtung haben / vnd sich reich ma-
chen / denn mit Christo das Abentmal essen /
Der dritte hat ein Weib genommen / vnd dünckt
sich selig genug sein / wenn er nur seine wollust
mit ihr kan haben / gibt sich auff spielen / dan-
zen / singen / vnnd frölich sein / vnnd gedencet
das

das wort Gottes sey nur ein traum. Yderman
trachtet nach seinen sachen / vnnnd niemands
nimpt sich vmb das an / das Gottes ist.

Die Christliche Kirche war nicht also
fleischlich / do sich das Christliche Blut noch
frisch reget / inn den adern vnserer voreltern/
Der glaub war da zu mal fest vnd bestendig/
die Religion war rein vnd vnnnerfelscht / vnnnd
da war kein nützer ding inn der Kirchen / denn
vnter den Gottlosen vnnnd grausamen Tyrannen/
vnnnd todes feinden des Christlichen mens-
mens leben. Der glaub hatte so fest eingewur-
telt / inn die hertzen der Christen / das kein ge-
ferligkeit da war / Christum zu verleugnē / Die
furcht der verfolgung erschreckt sie nicht / Der
nutz vnd wollust dieser welt / war in verdries-
lich / die brünstige liebe die ihre hertzen ver-
wandelt het inn dem HEYNN / vberwant die
Welt / vberwant alle fleischliche luste / veracht-
tet allen zeitlichen nutz / die hörner des greul-
ichen feindes. So fürchten sie auch nicht die
draum wort / erschreckung / schlege / elend / pei-
nigung / vnnnd den todt / wie ein alter vnnnd ein
harter fels / in dem wasser des Meers.

Du herrliches mercklicher blut / wie hastu
die wurtzel des Christlichen glaubens / so wol
bestetiget ? Es wird nicht ein tropff bluts ver-
gossen / von der bekentnis Christi wegen / das
durch sich nicht viel zum glauben bekeren. Ach
wenn euch die ehre Gottes nur ein wenig an-
licht / so betrachtet doch lieben Brüder in gu-
ter meinung / wie heilig / wie dapffer war die
besten

bestendigkeit vnser voreltern / welche wol die
steinern vnnnd eysern hertzen möchten bewegt
haben / Wie wunderlich war es zu sehen / do
der Christliche glaube zuris / zu brach / vnnnd
vberwant die weltliche stercke.

Wie ein schedlicher tag / der wol zu be-
weinen ist / an welchem Constantinus ein
Christ wardt. Dazumal höret die marter auff/
welche ein prob vnnnd vbung war vnseres glau-
bens / dazumal höret auff die brunst vnnnd die
liebe / welche war ein bandt vnd erhaltung der
Kirchen. Aus dieser sicherheit wuchs ein vn-
sorgliche nachlässigkeit inn den Christen / eben
als wenn man einen langen friedt machet /
durch welchen die Landtsknechte / faul vnnnd
vnachtsam werden.

Vnsere alten waren viel eusiger / vnnnd
mehr geneigt zu leiden / vmb Christus willen /
do sie die geferligkeit vnd trübsat dieser Welt /
noch am hals hatten / denn wir itzundt / vnnnd
die wir gute tage haben. Der Keiser trat hin-
ein in die Christlichen Kirchen / aber nicht wie
einem Christen zustehet / denn er füret mit ein
die leibliche nütze / als Adel / weltliche ehr /
waffen / pracht / reichthumb / vbermut / hof-
fart. Also füret er den Teuffel mit sich inn die
Christliche Kirchen / vnd wolt zwö Kirchen zu-
samen bringen / als nemlich / die Kirchen Chri-
sti / vnnnd die Kirchen des Antichristi / welches
vnmöglich war. Darumb ward die Christen-
heit müßig / Falt / fleischlich vnnnd teuffelisch /
wie wir sehen / yene lebendige brunst hub an
gemach

gemach / kalt zu werden / bis sie darnach gar zu
eis gefroren ist / der Glaub verlor seine erste
stercke / vnd die rechte frömmigkeit wardt ver-
trieben.

Wer möcht nicht zerbrechen vor schmerz-
tzen / wer möcht nicht bitterlich weinen / mit
heissen augen / weil wir sehen / das die Chri-
stenheit inn so grossen schaden ist geführt wor-
den. Als bald die Religion reichthumb gebar /
da frass die Dochter ire Mutter. Weil es denn
mit vnsern voreltern so vbel zugegangen ist / So
ist es kein wunder / das unsere Italiener Chri-
stum so schendlich verleugnen / auff das sie
nicht Pünmer leiden / Vnd wenn man sie vmb
den irthumb strafft / so entschuldiget sich ein
iglicher vnd spricht / Ich leugne wol das E-
nangelium mit der zungen / forcht halben /
aber ich hab nicht dester weniger den rechten
glauben im hertzen / vnd das es war sey / so se-
het ihr / wenn ich nicht mehr inn geferligkeit
bin / das ich wider auff ein newes anhebe / den
Christlichen glauben zubekennen.

Höre du verreterischer gleisner / CHRY-
STUS spricht nicht / das du in bekennen / vñ wi-
der verleugnen solst / vmb deines nutztes willen /
sondern inn der grösten geferligkeit soltu frey
mit dem munde bekennen / deinen glauben / so
du im hertzen hast. Du kanst nicht an Chri-
stum glauben / vnd ihn mit der zungen ver-
leugnen / wenn du den HErrn verleugnest inn
der verfolgung.

Meinstu wenn das Meer still wirt / vnd
die welt

die Welt wird dein gesel / das du den glauben
darnach widder werdest haben / nach deinem
gefallen? Ich sage nicht das die thür der
gnaden verschlossen sei / dem / der sich wider zu
Christo bekeret. Sanct Petrus bekeret sich wi-
der / vñ andere Aposteln kamen wider zu Chris-
to / vñnd wurden angenommen / Aber ich sage
das man sol den HErrn nicht so freuelich ver-
leugnen / wie man in Italia thut. Vñsere Ita-
liener meinen es gezieme ihnen / das sie inn der
feligkeit vor dem gantzen volck Christum ver-
leugnen / vñnd wenn sie dauon sind komen / inn
den winckeln heimlich bekennen. Sehet euch
für ihr Brüder / das ihr nicht fallet in die rache
des lebendigen Gottes / Denn es ist kein größ-
ser erschrecken noch verzweiflung / die mit
größern schmerzen geschicht / denn diese.
Bedenckt das die Sünde der Stadt Sodoma
vñd Tyro / vñd ander Abgöttischen am Jüng-
sten gericht / treglicher wird sein / denn ewere.
Wer kan denn genugsam beschreiben / wie er-
schrecklich die Sünde der verleugnung sey?

Last vnns zusamen auff einen hauffen le-
sen die Sünde der Stadt Sodoma / so wer-
den wir die vnseeligkeit vnser Italiener er-
kennen. Das war die sünde der Stadt Sodo-
ma deiner Schwester / O Iherusalem (spricht
Ezechiel) hoffart / fülle des brotes / vberflus /
maßlagang / vnbarhertzigkeit gegen den
dürfftigen / vñd vnzeliche andere greuel.

Ich wil der abgötterey geschweigen / wil
auch nicht sagen von dem vnmaßigen vber-
muth /

minth / die mir machen die har gehn berg stei-
gen/wenn ich daran gedencke/ welche Sünde
kann grösser sein/ denn diese? Dennoch spricht
der HErr/ so war als ich lebe/ deine Schwester
Sodoma/hat solche Sünde nicht gethan/wie
du Italia gethan hast / vnnd Christus spricht
in einem zorn / O Italia dir zu schand vnnd
schaden/diese wort. An jenem tag wird es der
Stadt Sodoma treglicher ergehen/ denn die-
ser Stad/die nicht hat busse gethan/nach der
predigt meines Euangelij. Thut hie den ver-
stand auff/denn da ist viel an gelegen.

Gehet nicht mehr so schlefferig vnd blind
von heut auff morgen / inn dem wollust des
fleisches/ Messet die zeit nicht mehr so grob/
wie ihr pflegt / denn die hant des HERN ist
stark. Das abgöttisch volck thet in 40. tagen
busse/zu der zeit da Jonas prediget / vnnd ihr
geht die gantze zeit ewers lebens / vom bösen
ins erger/vnnd wollet die stimme des HERN
Jhesu Christi nicht hören.

Thut doch ein mal die ohren auff / vnnd
höret mit was worten vns Christus zu seinem
dienst ruffet. Wenn ihr meine Jünger wollet
sein/spricht Christus / so denckt nicht gute sa-
ge zu haben/denn ihr müst ewer Creutz nemen
vnd mir nachfolgen. Als wolt er sagen/ich wil
nicht wens euch anders gehet / denn ihr ge-
meint habt/das ihr vber mich klaget vnd spre-
cht/Wenn ich gewist het/das der dienst Chri-
sti/ein stetigs Creutz wer/ ich het meines din-
ges gewartet/vnnd mich in solche geferligkeit
nicht

nicht geben / ich gedacht ich wolt meinen nutz
schaffen / vnd mit dem dienst mir nicht sched-
lich sein. Weil der Herr diese klage zuuor gese-
hen / hat er vnns gewarnet / wie ein rechter
Heuptman / vnd gesagt / wolt ihr mir nachfol-
gen / so vergesset ewer selbst / vnd opffert euch
mir / mit ewrem Creutz tragen / vnd sehet nicht
hinder sich nach den weltlichen dingen / gehet
mit krafft zu der aufferstehung der toden / auff
das ihr in der seligkeit genießet der dingen / so
euch verheissen sind.

Dis wort ist vnserm fleisch ein harter bis /
vnser selbs verleugnen / die Welt / guth / ehr /
vnnnd vnser eigen leben verachten / also das wir
nicht böses mit bösem vergelten / wenn wir
des etwas nicht haben / sondern mit besten-
digkeit Christum bekennen bis zum todt.

So laß vns nu lieben Brüder mit frölig-
keit das Creutz tragen / auff das wir herrlich
werden / vor vnserm himlischen Vater. Wir
sind gewarnet / das wir durch viel trübsal
müssen inn das himelreich gehen / also haben
wir angefangen mit der welt zu kriegem / vnnnd
jetzt da wir solten den ewigen sieg haben / wer-
ffen wir die wehr hin / tragen das fenlein Chri-
sti nicht mehr / vnnnd machen fried mit seinem
feindt.

O ihr böser Gutes verreter / wie dürfft
Ihr euch Christen nennen / welche schand ist
größer denn die schandt eines verreters / vnnnd
Ihr gehet dennoch so sicher dahin / als treff es
euch nicht an. Ihr habt nur zu viel / die ver-
gangene

gangene zeit her / ewerem fleisch gedienet / Ze-
weist doch ein mal das ihr GOTTes Kinder
seit / vnd brüder Christi / mit einem hertzlichen
bekentnis / vnd mit einem heiligen leben.

Spiegelt euch inn dem greulichen yrtell
des verleugners zu Padua / Francisci Spera /
der inn verzweiflung gestorben ist. Das solt
ein sporn sein / der euch reizet die Welt zu haß-
sen / vnd zu thun was zur seligkeit dienet / mit
forcht vnd begirlichkeit (als Sant Paul) mit
Christo zu sein.

So last vns nun wachen / vnd vnser licht
brennen / das wir dem Herrn balt auff können
thun. Vnd ist ihemals noth gewesen / Gott
schiltwach zu haben / so ist es jtz zeit / Denn
die Gottlose hur kan sich nicht genugsam se-
tigen von dem Blut der Mercker Christi.

O selige Knechte / die ihr auff der wache
steht / des Herren zu warten / seit getreu / vnd
in der bekentnis vergieset euer blut mit frölig-
keit / Warlich ich sage euch / er wird sich gürt-
ten / vnd euch zu disch lassen tragen / vnd euch
dienen in dem gehofften vaterlant / da alle thre-
nen von ewern augen abgewasschen werden.
Wie viel König vnd Propheten habgn begert
diese tage zu sehen / vnd ist ihnen nicht zuge-
lassen gewesen / Was kan vnns denn verursa-
chen / das wir Christum verleugnen ? welche
forcht kan vnns erkalten von dem Martyrio ?
Welcher schatz ist so köstlich / das er vnns kan
scheiden von dem HEILIGEN ? Der reichthumb
thut es nicht / welcher macht das wir inn vie-
lerley

terley verſuchung fallen / vnn̄d bricht vns den
hals.

Der geitzhals war reich / der den armen
ſazarum nicht ſehen wolt / vnd ſeine güter für
ten ihn inn die Helle / Die herrligkeit der Welt
ſolt vnns nicht ſo hart anligen / das wir vmb
der willen Chriſtum verleugnen ſolten. Wenn
du gleich weiſer wereſt denn Salomon / mech
tiger denn Nabuchodonosor / glückſeliger
denn Alexander Magnus / Was hetteſtu ?
Wöſſeſtu nicht das alles hinder dich laſſen ?
Siheſtu das die macht dieſer Welt vergehet /
wie ein ſchatten / vnd du wilt von eines ſolch
en dinges wegen / Chriſtum verlieren / welcher
iſt die weiſheit vnd ſchatz Gottes ? Weil denn
reichthumb vnd weltliche ehr / ſind ein ſchat
ten / ein traum vnd ein eitelkeit / was ſollen wir
denn von dem wolluſt des fleiſches halten /
welcher ein vorbot iſt des gegenwertigē zorns
Gottes.

Zu der zeit Noa vnn̄d Loth / hatten die
ſent alle ihre ſorg gelegt auff eſſen vnn̄d trin
cken / vñ wolluſt des fleiſches / Darumb ſehen
wir / das ſie anders denn ſie meinten / plötz
lich wurden vñbracht.

Ihr möcht wol ſprechen / allein die for
cht des fēwers macht / das wir alle ſtercke ver
lieren / vnn̄d Chriſtum verleugnen. O lieben
Brüder / hie ſehet euch wol vmb / vnd wendet
ewer augen auff die ſorg Gottes / Betrachtet
von hertzen / die verheiſſung des HErrn / vnn̄d
laſt euch etwas angelegen ſein an ewerem be
ruff /

lauff/ So werdet ihr jauchzen inn der marter/
vnnnd zu gleich mit den dreyen Jüngelingen/
Got loben in dem feuwer offen/ denn ihe größ
ser die marter sein wird / so viel größser wird
auch die erquickung Gottes sein.

Wisset ihr nicht das wir frembdeling in
dieser welt sein/ ein fürsichtiger wanderer leid
mit gedult hunger vnnnd durst/ Kelt vnd hitze/
schant/schmach / vnnnd alle vnehr/vnnnd sibet
kein müß an/ bis er an den ort kumpt/ dahin
er zu reisen hat / ihm ligt nicht daran ob schon
die herberig stincket / er dencket auff nichts
anders / denn auff heim. Die gleubigen ha
ben alle eines endes zu erwarten / welches ist
das ewige leben in Christo Ihesu.

Weil wir denn inn dem lauff dieser welt
sind / so last vnns allen vnrat mit gedult tra
gen/alle schand/schmach vnnnd trübsal/ Denn
wir sind außserhalb vnserm Vatterlant inn der
herberich/last vns fleis haben/das wir vnser
ruh finden/ bey Christo in vnserm ewigen Va
terland. Wenn vns denn die Antichristischen
Tyrannen mit der marterung die reise fürtzer
machen / vnnnd machen das wir zu Christo ko
men/in die ewige seeligkeit/solten wir vns ni
cht schemen das feuwer zu fürchten?

Wir sind gewis/das der HERR für vns
sorget/Ein herlein kan vns nicht von vnserem
heupt fallen/ ohn den willen des ewigen Va
ters/vnnnd wir zweiffeln ob Gott sorg habe für
vnser leben? Ein Vögelein kan nicht vmbko
men/sonder den willē des himlischen Vaters/
vnd

vnd wir haben sorg/ **G**ott werd vns verlas-
sen/ in vnser grösten noth.

Wolan wenn schon Gott den zaum hen-
get/ vnd die grausamkeit des Tyrannen/ mar-
tert vnnnd tödtet vnsern leib/ so sollen wir vns
dennoch nicht fürchten. Denn das ist der
gewin/ den **C**hristus suchet / bey denen/ die
mit seinem gelt handeln. Sihe wie ein heil-
ger wucher / du verleuerst ein zeitlichs leben/
vñ verkämpfst ein ewiges / Du verleuerst die
ehr der Welt / vnnnd wirst herlich im himel/
Du hast außgezogen ein sterblichen leib/ vnd
wirst bekleidet mit einem vnsterblichen / Du
verleest ein vnruigs vnd traurichs leben/ vnnnd
lebest frölich mit **C**hristo / wie kanstu ein
grössern gewin haben / denn diesen?

O beständige marter/ wie machstu vnns
so reich/ vnserm fleisch zu trotz/ vnnnd widder
seinen willen/ das ist die gnad / inn welcher
wir beruffen sind / wenn wir vmb des guten
wercks willen leiden / auff das vnser glaub
(welcher viel köstlicher ist / denn Golt/ das
man durchs feur bewert) erfunden werdt/
zu lob / preis vnnnd ehr/ inn der offenbarung
Ihesu **C**hristi. Ich weis wol wie meister-
lich vns der Teuffel die garn stelt / vnd kenne
auch wol die betriegligkeit vnser fleisches/
Ich kan es nicht sagen / ohn gros hertzen
leidt/ vnd mit grösser anfechtung darinne ich
lebe mit bitteren brennen.

E

Ich

Ich elender Mensch / der ich den Herrn
inn einer stundt tausent mal verleugnet hab/
damit ich leben möcht / inn dem Babiloni-
schen müßigkang. O Herr wie oft hab ich
widder dich gekriegeret / Wie oft hab ich mich
gestellt / als wußt ich nichts vmb deine Religi-
on / Wie oft hab ich dich öffentlich verleug-
net / vñnd du hast mir das alles mit gedult
vbersehen. Du wartest der zeit meiner beke-
rang / vñ ich wante dir den rücken / Du hattest
dir eine wonung gepflantzet inn meinem ber-
tzen / vñd ich fandte dich nicht.

Dazumal entdecktestu mir deine liebe/
da ich gefangen wardt vmb deines Namens
willen / Wiewol ich vñdancckbarer vñd trew-
loser solche wolthat ausschlug. Ich solte dich
frey bekennen / da ich dich schendlich verleug-
net / Ich solt mich frewen dein zeuge zu sein /
Aber die hoffnung des lebens / das ich ver-
meint vñter dem Antichrist zu fristen / macht
das ich dein süßes joch ausschlug.

O du lügenhaffrige zunge / wie bistu des
hellischen feurs so wert? O du böser wille/
wie hastu mich gehemmet / in dem dienst des
Antichrists? Vñnd wiewol ich bls auff den
todt geschlagen war / so sind doch meine ge-
beine nicht zerbrochen / denn du HERR hast
mich erhalten mit deiner handt / Vñd do ich
hoffte im friede zu leben / weil ich dich verleug-
net hatte / da stießestu alle meine anschlege
zu rücke. Du heiligest mich zu deinem dienst /
vñd

vnd brauchest mich zu meinem hell/ Herr du
weist wie viel threnen ich vergiesse/ wenn ich
an diese Sünde gedencke/ Allein ich bit dich/
das wie du mich durch deine barmhertzig/
keit erlöset hast/ von der stickenden Babilo/
nia/ Vnd mir so viel hertzens geben/ das ich
dich frey schriftlich bekenne/ du wollest mir
so viel gnad verleihen/ das ich mit Petro die
verleugung so ich gethan habe/ wider ver/
leugnen möge/ vor dem stul des greulichen
vnd treulosen Neronis.

Du hast mir das hertz erhitset/ das ich
geneigt bin für dich zu sterben/ vnd warte ni/
chts anders/ denn das du mir die straff öff/
nest/ vnd mir den weg weisest/ damit ich ni/
cht fürnemisch sey/ dich zuuersuchen.

Wolan lieben Brüder/ last vnns der
Welt die ferschen geben/ vnd last vnns den
willen des fleisches/ vnter die füsse treten/
last vns Christum bekennen/ vnd last vns
dieses zeitlichen lebens nicht achten/ denn
wir werden es erhalten/ inn der ewigen selig/
keit. Inn der marter verleurt man das leben
nicht/ sondern man gibts inn die handt Got/
tes.

Diesen weg ist Christus auch gangen/
welcher lieber hat wollen verlieren das leib/
lich leben/ vnd an dem Creutz hangen/ denn
widder den willen seines Himlischen Vaters
thun/ Vnd sihe/ wo ist Christus hingangen
durch diese strassen? Die hohen Priester vnd
Phariseer

Phariseer meineten/ sie hetten ihm den Todt
geben/ vnnnd inn die hellen begraben / Aber
Gott gab ihm macht vber die gantzte Welt.
In dem namen Ihesu Christi/ werden alle
Knie gebogen/ der Himlischen vnd Hellsichen
vnd irdischen.

Sihe wie zu einer grossen herrligkeit ist
Christus kommen/ durch leiden der Marter/
Das heupt wirdt aber nicht herrlich ohn
die glieder/ Darumb sollen wir vns frewen/
das in der marter Christus mit vns gelieden
hat/ damit er vns faret inn das ewige Vater/
landt.

So last vns nun in der welt sterben/ das
wir inn Christo leben. Ein Lantz knecht leidet
vngemach/ vmb ein wenig gewins willen/
ster stets im todts bis an den hals/ vñ wir wol-
len nicht das leben vmb Christus willen lass-
sen. Ein Kauffman leidet so viel vngemach/
zu lande vnd zu wasser/ in kelt vnd hitze / vnd
ihm wirdt oft nach dem leben gestellet / vnnnd
er acht keiner gefertigkeit/ damit er ein wenig
guts vberkumme / Vnnnd wir sindt so weich
von vnsern nutzzen wegen / von der freunde
wegen/ von weltlicher ehr wegen / das wir
vns schemen/ vnehr/ vnnnd den leiblichen todts
zu leiden / vmb des ewigen lebens willen inn
Christo Ihesu.

Die so vmb die wette lauffen / sehen sich
nicht vmb/ auff das sie nicht das vergenglich
Kleinodt verlierē / vñ wir/ so vmb das vnsterb-
lich

lich Kleinot lauffen/wollen vns nach der welt
vmbsehen / vnd das ewig Kleinot verlieren.
O wir vn selige Menschen/wenn werden wir
frey / von diesem sterblichen leib? Wer den
Geist Gottes hat / der verzeihe sich dieses le-
bens / vnd wunsche den tod mit Paulo / auff
das er mit Christo möge leben.

Gedencket lieben Brüder/das wenn wir
mit Christo sterben / so werden wir auch mit
ihm leben/wenn wir mit ihm leiden/ werden
wir auch mit ihm regieren. Darumb last vns
die weltliche ehr verlassen / den reichthumb
verachten / vnser eigenen lebens nicht ach-
ten/vmb der ehr Christi willen.

Last vns allzeit bitten / Auff das vns der
HEU den glauben mehrer / vnd stercke vns
den Geist / zu lob seiner Majestet / vnd
zu vnserm heil / AMEN.

Gedruckt zu Magdeburgk durch
Michel Lotther/den
4. Octobris.
Anno 1 5 5 0.

Das Ander Capittel aus dem

Ihesus Syrach/ zu diesen zeiten sehr
nützlich zu lesen.

MEin kind/ wiltu Gottes Diener sein/
so schicke dich zur anfechtunge. Halt
feste/ vnd leide dich/ Vnd wancke ni-
cht/ wenn man dich davon locket. Halt dich
an Gott/ vnd weiche nicht/ auff das du jmer
stercker werdest.

Alles was dir widerferet/ das leide/ vnd
sey geduldig inn allerley trübsal. Denn gleich
wie das gold durchs feur/ Also werden die/
so Gott gefallen/ durchs feur der trübsal be-
werd.

Vertrawe Gott/ so wirdt er dir aushel-
ffen/ Nichte deine wege/ vnd hoffe auff ihn.

Du/ so jr den HERRN fürchtet/ ver-
trawet jm/ Denn es wird euch nicht feilen.

Du/ so jr den HERRN fürchtet/ hoffet
des besten von jm/ So wird euch gnade vnd
trost allezeit widerfahren.

Die/ so jr den HERRN fürchtet/ harret
seiner gnade/ vnd weicht nicht/ Auff das jr
nicht zu grundt gehet.

Sehet an die Exempel der Alten/ vnd
mercket sy. Wer ist jemals zu schanden wor-
den/ der auff in gehoffet hat? Wer ist je-
mals verlassen/ der in der furcht Gottes blie-
ben ist? Oder/ Wer ist jemals von jm ver-
schmehet/ der in angeruffen hat? Denn der
HERR

HERR ist gnedig vnnd barmhertzig/vnnd
✠ vergibt sünde/vnd hilfft in der Not.

✠ (Vergibt) Er sihet nicht an/wie böse vnd vnwird-
dige wir sind.

Weh denen / so an Gott verzagen / vnnd
nicht fest halten/vnd dem Gottlosen der hin
vnd wider wanclet.

Weh den Verzagten / denn sie glauben
nicht/darumb werden sie auch nicht beschir-
met.

Weh denen / so nicht beharren / Wie wil
es inen gehen / wenn sie der HERR heim su-
chen wird ?

Die den HERRN fürchten / glauben sei-
nem wort / vnd die in lieb haben / halten seine
Gebot.

Die den HERRN fürchten / thun was
im wolgefellet / Vnd die in lieb haben / halten
das Gesetz recht.

Die den HERRN fürchten / schicken ihr
Hertz / vnd demütigen sich für im / vnnd spre-
chen / Wir wölle lieber in die Hende des
HERRN fallen / wider in die hende

der Menschen / Denn seine
barmhertzigkeit ist ja so
gros / als er selber ist.